

Broj predmeta: 378-02/21  
25.03.2021. godine  
Sarajevo

U vezi sa realizacijom aktivnosti projekata koji se sufinansiraju sredstvima Evropske unije kroz program Erasmus + i IPA prekogranična saradnja, Olimpijski komitet BiH predstavlja koordinatora i partnera za realizaciju projektnih aktivnosti na području Bosne i Hercegovine, a zbog ukazane potrebe za zaključivanje ugovora o djelu za pružanje vanjskih stručnih usluga upravljanja društvenim mrežama OK BiH, objavljuje se:

## **POZIV ZA DOSTAVLJANJE PONUDA za pružanje vanjskih stručnih usluga upravljanja društvenim mrežama OK BiH**

### **Podaci o ugovornom organu**

Ugovorni organ: **Olimpijski komitet Bosne i Hercegovine**  
Adresa: **Alipašina BB, Sarajevo**  
Identifikacijski broj: **4200742640004**  
Telefon: **033 580 350**  
E-mail: [okbih@okbih.ba](mailto:okbih@okbih.ba)

### **Podaci o osobi zaduženoj za kontakt**

Kontakt osoba: Aela Ajdinović  
Telefon: +387 33 580 350  
e-mail: [nabavke@okbih.ba](mailto:nabavke@okbih.ba)

### **Kontekst poziva:**

Shodno novonastaloj situaciji izazvanoj pandemijom Korona virusa u svijetu, Olimpijski komitet Bosne i Hercegovine (OK BiH) je u početnoj fazi pandemije preoblikovao svoje poslovanje, prilagodio i usmjerio svoje aktivnosti na online komunikaciju.

Na samom početku ideja je bila oživjeti platformu zvanične Facebook stranice Olimpijskog komiteta Bosne i Hercegovine, kreirati Instagram stranicu, te povezati se sa sportistima, sportskim radnicima i akterima u ideji „spasimo sport u Bosni i Hercegovini”. OK BiH je posebnu pažnju posvetio i sadržajima plasiranim na svom youtube kanalu koji uključuju aktivnosti i promociju rada Olimpijskog komiteta BiH i bh. sporta općenito.

Također, tendencija je bila povezati se svakodnevno sa korisnicima društvenih mreža, ljubiteljima sporta, te im pružiti informacije o programima, projektima i sadržajima Olimpijskog komiteta Bosne i Hercegovine. Kreiran je plan aktivnosti i objava na mjesečnom nivou, te se posebna pažnja usmjerila na sadržaje vlastitih programa koji su imali cilj da potaknu svijest o važnosti sporta u našoj zemlji, o važnosti bavljenja fizičkom aktivnošću u vrijeme izolacije, te plasiranje edukativnih sadržaja do krajnjih korisnika OK BiH. Posebno važno za istaći je i afirmacija aktivnosti projekt menadžmenta Olimpijskog komiteta Bosne i Hercegovine, koji je i u ovim nimalo jednostavnim uslovima poslovanja, uspio da pomaže kako pojedinačne sportiste i stipendiste, tako i sportske saveze.

Trenutno Olimpijski komitet BiH posjeduje više kanala na društvenim mrežama: Facebook, Instagram, Youtube, Viber Community, uz naravno i službenu web stranicu OK BiH. Olimpijski komitet ne planira proširiti svoje poslovanje na druge mreže, već se fokusirati na jačanje postojećih.

### **Opis predmeta poziva:**

Predmet ovog poziva je pružanje vanjskih stručnih usluga upravljanja društvenim mrežama, a na osnovu potreba ugovornog organa i sredstava planiranih u budžetima za EU projekte za period od 01.04.2021. do 31.12.2021. godine.

Broj izvršilaca: 1

### **Specifikacija:**

Angažovano fizičko lice, kao vanjski saradnik, raditi će na poslovima i zadacima koji se odnose na upravljanje društvenim mrežama OK BiH u navedenom periodu. Ovi poslovi i zadaci podrazumijevaju sljedeće:

- Vođenje društvenih mreža OK BiH i kampanja promocije OK BiH na društvenim mrežama
- Kreiranje tekstualnog i vizuelnog sadržaja za svaku kampanju na društvenim mrežama
- Unaprijeđenje prisustva OK BiH na društvenim mrežama i održavanje već postojećeg
- Monitoring Brenda OK BiH na društvenim mrežama
- Izgradnja prepoznatljivosti Brenda kroz uključivanje interesnih grupa i relevantnih influensera
- Vođenje online zajednica kako bi se obezbijedio odgovarajući angažman
- Analiza podataka kako bi se dobio uvid učinkovitosti društvenih kampanja
- Obuka uposlenika o najboljim praksama kreiranja sadržaja društvenih mreža

Sve gore navedeno fizičko lice će obavljati uz konsultacije sa uposlenicima OK BiH i uz prethodnu saglasnost Generalnog sekretara OK BiH.

### **Mjesto i način izvršenja usluge**

Mjesto pružanja usluga može biti van prostorija Olimpijskog komiteta BiH, ali po potrebi angažovano lice može svoje usluge pružati i u OK BiH. U tom slučaju, Ugovorni organ se obavezuje da će izvršiocu usluga obezbijediti neometan rad u prostorijama Olimpijskog komiteta BiH u periodu izvršenja usluga.

### **Rok izvršenja usluge**

Izabrani izvršilac sa kojim se zaključi ugovor o djelu, obavezan je izvršavati uslugu pravovremeno i prema potrebama Ugovornog organa, a koje su predmet ovog poziva.

### **Uslovi za kvalifikaciju kandidata**

Učešće po ovom pozivu otvoreno je pod jednakim uslovima svim fizičkim licima obuhvaćenim područjem Bosne i Hercegovine.

Da bi učestvovao u proceduri, uz prihvatanje navedenih uslova, kandidat mora ispunjavati sljedeće posebne uslove:

1. završen fakultet (VSS);
2. iskustvo u radu na društvenim mrežama
3. iskustvo u kreiranju strategija razvoja društvenih mreža
4. iskustvo u radi i izradi marketing plana
5. sposobnost kreiranja odgovarajućeg sadržaja za sve društvene mreže OK BiH
6. iskustvo u izgradnji zajednica društvenih mreža
7. razumijevanje osnovnih principa grafičkog dizajna
8. iskustvo kao menadžer Brenda na društvenim mrežama
9. sposobnost analize učinkovitosti na društvenim mrežama
10. odlično poznavanje engleskog jezika (čitanje, pisanje, govor), minimalno B2;
11. **prethodno iskustvo na EU projektima će se dodatno bodovati;**

Kandidat mora dostaviti na mail adresu [nabavke@okbih.ba](mailto:nabavke@okbih.ba) svoju **biografiju** kojom će da se potvrdi ispunjavanje posebnih uslova, najkasnije pet dana od dana objave Poziva na web stranici Olimpijskog komiteta BiH (do 31.03.2021. do 10:00 časova).